

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona na prijedlog Ministarstva za obrazovanje, nauku, kulturu i sport, na 201. sjednici, održanoj 22.01.2015. godine, d o n o s i

ZAKLJUČAK

o odobravanju utroška sredstava Ministarstvu za obrazovanje, nauku, kulturu i sport sa pozicije "Tekući transfer za ustanove kulture" za prvu ratu u 2015. godini

I

Odobrava se utrošak sredstava sa pozicije "Tekući transfer za ustanove kulture" za prvu ratu u 2015. godini u ukupnom iznosu od 263.624,00 KM (slovima: dvijestotinešezdesettrih hiljade šeststotinadvaesetčetiri konvertibilne marke) koja će se isplatiti po osnovu Odluke o privremenom finansiranju Zeničko-dobojskog kantona za period januar-mart 2015. godine ("Službene novine Zeničko-dobojskog kantona", broj: 8/14.), sa razdjela 22-Ministarstvo za obrazovanje, nauku, kulturu i sport, budžetska organizacija 01, ekonomski kod 614100, subanalitika MAD 101, pozicija "Tekući transfer za ustanove kulture" i koristit će se za isplatu plaća, toplog obroka i materijalnih troškova za 15 ustanova kulture, i to:

- jedanaest javnih biblioteka na području Kantona,
- Muzej grada Zenice, JU Muzej Tešanj i Zavičajni muzej Visoko,
- Bosansko narodno pozorište Zenica

II

Raspodjela sredstava izvršena je na osnovu:

- osnovice od 432,00 KM,
- toplog obroka od 8,00 KM,
- materijalnih troškova (6% od bruto plaće za biblioteke, 9% za muzeje i 12% za BNP),
- broja zaposlenih radnika,
- minulog rada zaposlenih,
- koeficijenata vrijednosti pojedinih poslova kako slijedi u tabeli:

R/b	P o s l o v i	Koeficijent
1.	Poslovi čišćenja i posluživanja, kućepazitelja-portira, dostavljača pošte, gardarobera, rekvizitera, ložača, daktilografa, biletara.	1,00
2.	Poslovi noćnog čuvara.	1,06
3.	Administrativno-računovodstveni i sl. tehnički poslovi, poslovi održavanja, tehnički poslovi održavanja, tehnički poslovi izvođenja predstave, (tehn. sekretar, računovođa, šef bine, scenski električar, inspicijent, dekorater, vlasuljar, šminker, krojač, stolar, propaganda i sl.).	1,23
4.	Glumac početnik, knjižničar (SSS).	1,41
5.	Šef računovodstva, rukovodilac odjeljenja (VŠ).	1,47
6.	Glumac sa iskustvom a bez akademskog zvanja, viši knjižničar.	1,70
7.	Režiser, bibliotekar, kustos muzeja, scenograf, dramaturg, glumac, (VSS).	1,99
8.	Umjetnički rukovodilac, rukovodilac službe, viši-kustos, glumac prvak drame, prvak baleta, opere i sl.	2,14
9.	Direktor ustanove	2,28

III

Distribucija sredstava iz tačke I ovog zaključka vršit će se u iznosima i dinamikom kako je navedeno u slijedećoj tabeli:

R/B	Ustanova	Iznos sredstava za prvu ratu (KM)
1	JU Gradska biblioteka Kakanj	10.889,00
2	JU Opća biblioteka Tešanj	12.738,00
3	JU Javna biblioteka Zavidovići	12.713,00
4	JU Opća biblioteka „Narodna biblioteka“Maglaj	9.881,00
5	Gradska biblioteka Olovo	4.095,00
6	Opća biblioteka Žepče	5.864,00
7	Opća biblioteka Zenica	34.188,00
8	Opća biblioteka „Muhamed Kantardžić“Breza	6.221,00
9	JU Gradska biblioteka Visoko	14.502,00
10	JU Opća biblioteka Vareš	7.516,00
11	Opća knjižnica Usora	4.396,00
12	Bosansko narodno pozorište Zenica	105.739,00
13	Zavičajni muzej Visoko	8.986,00
14	Muzej grada Zenice	18.920,00
15	JU Muzej Tešanj	6.976,00
UKUPNO I RATA		263.624,00

IV

Odobrena sredstva, navedena u tački III ovog zaključka, uzet će se u obzir prilikom izrade Programa utroška sredstava sa pozicije “Tekući transfer za ustanove kulture”.

Za distribuciju sredstava korisnicima zadužuje se Ministarstvo za obrazovanje, nauku, kulturu i sport i Ministarstvo finansija svako u okviru svoje nadležnosti.

V

Korisnici sredstava Budžeta namijenjenih za ovaj transfer dužni su resornom ministarstvu, dostaviti izvještaj o namjenskoj upotrebi odobrenih sredstava, kao i o postignutim rezultatima i aktivnostima koje su tim sredstvima finansirane.

VI

Izvještaje o utrošku sredstava Ministarstvo za obrazovanje, nauku, kulturu i sport dužno je dostavljati Vladi Zeničko-dobojskog kantona i Ministarstvu finansija Zeničko-dobojskog kantona.

VII

Zaključak stupa na snagu danom donošenja.

Broj: 02-_____/15.

Datum, 22.01.2015. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Ustanovama kulture (putem resornog Ministarstva)

1x a/a.